

موقی ایریشیله میه جک قدر بو کسک اولان غنره ، کندیلرینک عن الغیاب مظهر استحسانی اولان برشاعر بختیار ایدی .

حضرت عمرک حافظه سنده کی شعرلر بیتر ، توکنیرکی دکل ایدی . حتی حضرت عباس « علی درجه سنده قدرت علمیه سی ، عمر قدر محفوظات شعریه سی اولان آدم کورمدم . » دیردی .

(انتصار) انتقام آلمق مناسنه درکه بوراده هم خصوصی ، هم عمومی در . یعنی شاعر هجومه ، تعرضه اوغرایان شخص معصومک انتقامی آله جفی کی ، ظلم کورن ابنای ملتی ده سیف لسانیه مدافعه ایده جکدر .

(وسیع الذین ظلموا ای منقلب ینقلبون) نظم جلیلی کلام اللهک اک مهیب ، اک شدید پارچه لرنددر . تأسف اولنورکه اونی ، اصلنده کی روح شده دائر بر فکر ویره بیله جک صورتده اولسون ، لسانمه نقل ایتک قابل دکلدر . حضرت ابوبکر عهدنامه سنک صوکنده بو آیت جلیله یی ایراد ایلشدر . جودت پاشا مرحوم قصص انبیاسنده او عهدنامه یی ترجمه ایتشدر که بزاصلنی امام مبرک کتاب الکاملندن تبرکاً عینله یازیورز :

« بسم الله الرحمن الرحیم . هذا ما عهد به ابوبکر خلیفه محمد رسول الله صلی الله علیه وسلم عند آخر عهده بالدنیا واول عهده بالآخرة فی الحال التي یؤمن فیها الکافر ویتی فیها الفاجر . انی استعمت علیکم عمر بن الخطاب . فان بر وعدل فذلک علمی به ورأی فیہ . وان جار وبدل فلا علم لی بالغیب . والخیر اردت . ولكل امرئ ما اکتسب . وسیعلم الذین ظلموا ای منقلب ینقلبون . »

محمد عاکف

مدافعات دینیہ

حق و حقیقت

در قوتور درزینک اسلامیت علیرنده کی اسناداته فارشی ربه

۱۰

سرور انیا « علیه اشرف التحایا » افندیمز توارد ایدن اوامر ربانیه توفیق حرکته اولاکندی عشیرت واقرباسندن بده ایله دعوت وارشادینی بوتون اقوام عربیه ، حجاز و تهامه و یمن اها لیسنه تعمیم بیوردقدن صوکر بالجلله ملوک دنیایه ، اطراف و آفاق عالمه دعوتنامه لر نشر وارسالنده بذل عنایت و کافه افراد بشریه نک نائل هدایت اولملرینه صرف همت بیوردیلر ومظهر اولدقلری فتوحات جلیله ومظفریات متوالیه اوزرینه عدل واحساندن انحرافله اخلاق وافعال پسندیده معروفه لرند . ذره قدر تبدل کورولمه مش ، حظوظات عاجله یه میل ایله مسالک متخذلری بولنان زهد واتقادن قیل قدر ایرلمه مش لردر . بلکه نعم سبحانیه ترادف ایله دجه تواضع

وساحتلری آرتار ، اعداسنه غالب کلدکجه عفو و کرمه معامله بیورورلردی . - جلد اولده سبق ایلدیکی اوزره - هیچ بر وقت زینت واحتشامه ، ثروت وسامان احرازینه رغبت بیورمدقلری کی صلاحیت کامله لری داخلنده بولنان امامت وخلافت منصبی ده کندی اولاد واقاربنه وصیت ایتیه رک امتک انتخابنه ترک وتودیع بیورمشلردی . بو حاللر هب طرف سبحانیدن تلقی ایلدکاری اوامر مراعات کامله ده بولنه رق خشیت الهیه و اخلاص تامدن بر لحظه ایرلمدقلری و هیچ بر ماده ده منفعت خصوصیه کوزتمدقلری و اضحاً وقطعياً اثبات واقضا ایتکده دکلدر ؟

انصاف واذعاندن هزاران مرتبه دور مهجور اولان بوغرضکارلر شویسط و بیان اولنان حقائق قطعیه خارجه چیقارقی نه دییه بیلیرلر ؟ بولنرک عجز و غرضلرینی برقات دها میدان وضوحه ابراز ایتک ایچون برازده تقرعانه عطف انظار ایله احکام شرعیه و اطوار محمدیه یی تدقیق ایدلم :

بوغرضکارلر ، ابتدای اسلامده مشروع اولیان جهاد حقنده مؤخرأ امر ربانی شرفورود ایتسی اوزرینه نبی ذی شان افندیمز حضرتلری لدی الایجاب کفار و منافقین ایله مقاتله ایدره رک اولنری مقهور و پریشان ایلمه مش اولسنه می کوجه نیورلر ؟ یوقسه بدایت امرده مباح اولدینی حالده مسکرات خبیثه حقنده اخیرأ حرمت قطعیه اعلان بیورلمسینمی بکنه نیورلر ؟ یاخود مکة مکرمه دن اذن الہی یه بناء مهاجرت ومفارقت بیورمشیکن برمدت صوکر کلوب اولده مبارک کی مشرکلردن پاک ، ممالک اسلامیه یه الحاق بیورمش ؛ و یاخود هر بریسی بر حکمت عالییه ایقلاقلان تعدد زوجہ ، طلاق ، ظهار ، نفقه .. حدود شرعیه وسائر احکام تریبییه تجویز وتأسیس ایتمش اولسنه می عن جهل تعریض ایتکه یلته نیورلر ؟ حالبوکه بوتأسیساتک کافه سی ، بوتعالیاتک هربری دین مبین اسلامک تکمله طوغرو برر خطوه سی ، ایلریده دین عمومی اوله جفی بوتون عقلای انام وارباب بصائر اقوام نظرند امر محقق عد اولنان شرع انور احمدینک تزیید انتظامی انتاج ایدن فیضلی برر مقدمه سی اولدینی جای اشتباه اولیان حقائق قطعیه دندر . [تفصیلات کامله یه دسترس اولق آرزو ایدن قارئین (بینات احمدیه) نام اثر مزه مراجعت ایله سونلر]



سلطان انیا (علیه اکمل التحایا) افندمزک مبدء رسالتلرندن ارتحال هایونلرینه قدر هر درلو مشکلاته سینه کرمه لری ، بوتون شجعان وبهادرانک توقف وتزلزله اوغرادقلری هنکام شدتده ابراز شجاعت واحراز ثبات ومثانت بیورمش اولدقلری تواترات قطعیه ایله واصل رتبه بدهتدر . [۱] بوا یسه محضا درکاه سبحانی یه التجا استنادی ،

[۲] سیر سنیه وغزوات جلیله نک تفصیلنه واقف اولانلر بو طاقم وقایع نبویه یی یکان یکان استحضار وملاحظه ایله بوسوزلرمزی تصدیقه مسارعت ایدم جکاری بی اشتباهدر .